

筆花醫鏡

卷一



南京中醫藥大學圖書館版權所有

同治丁卯年重鐫

浙湖江筆花撮要

筆花醫譜

山禪  
翰寶樓藏板



天地陰陽風寒暑濕冷暖虛實各因其人體  
氣以受病各因其地時氣以致疾原非一概  
而論即如兩人同一病致病受病就有不同  
並有一人一身前後同一病而筋絡臟腑  
行又有不同命之理微地之理微醫之理亦  
微所謂失之毫釐謬以十里誠不我欺迥乎  
難挽甚未容易言醫其故或在認症之不真

學問所不到。醫之行兵臨陣有所不久。不久而即不熟。且人之受病有內有外。有虛有實。有火有寒。有陰有陽。有暑濕而似乎虛弱。有虛弱而類乎風邪。是凡醫家不可以不細察。予風塵薄宦。無濟世之力。有救人之心。無論其力之能與不能。而心之再無不盡其到也。偶與友人沈月枝論及世道人心。因而

就病設醫於是予渠欣欣然出示筆花醫鏡  
一書書係抄本予捧而翻閱恐不免久而不  
忘且此等書果可以濟世救人何妨共諸同  
好予驟然付梓刊印佈告同人或爲醫家  
一助不沒江公一片婆心云爾是爲序

道光十四年仲冬之月上浣皖江古舒鍾承  
露謹序

序

天地之至變者病也。天下之至精者醫也。欲極其精，窮其變，雖千萬言不足以發明其緒。是以岐雷曾季而後，名家輩出，議論紛如，而合諸病情變幻有難，以按圖而索驥者，曠何人斯。而敢以一二淺言，謂足以罄乃事乎。然變者病而可見者，恃乎形至精者，醫而可據者，恃乎理以形求理，即以簡馭繁，達乎此通乎彼，固有千萬言所不能盡，而一二語足以賅之矣。噫，自中歲究心醫學，往來於江浙之間，深知其難，亦不敢自安於拙造。服官東粵，學漸荒蕪，而習見此邦醫士如文家相題布

局理法未清其何以司活人之柄耶病家固不甚講求  
但以神鬼爲福即偶延醫診而默受其誤者亦終莫之  
知是誠不服藥爲良矣可慨也夫璣久思引救礙於官  
箴茲將引退還山畧舉其要鐫爲一編俾人人得有簡  
要之方遇一症自可按對病情審爲何臟何腑是陰  
是陽不乖乎表裏虛實寒熱之真即知爲心肝脾胃  
腎之疾症既洞轍藥自效靈較諸授命於瞽以身爲鵠  
者其損益可昭然判也誠願有志者熟玩是編據爲要  
領而旁參諸大家之說自可一覽了然將近以事親遠  
以濟衆於生靈不無稍補焉是爲序

道光四年孟夏之月上浣浙江歸安江流職自序



例論

數頁書豈能療千萬病然有綱舉目張之法蓋病總由臟腑總不外虛實寒熱審知其爲何臟何腑之虛症實症寒症熱症而聯其病類以集之則藥歸同路療一病可療千萬病亦無不可固不在多立病名多立方書也此所謂鏡也

凡人不願知醫者以卷帙浩繁見而生畏不知從何學起也茲但言其現何病象係何臟腑作何治法寥寥數語亦易知矣其一切經終源委槩不縷敘避繁賾也若欲究其全則自有諸名家書在

用藥如用兵須量其材力之大小蓋有一利卽有一  
弊如大補大攻大寒大熱之品誤用卽能殺人各  
部後分爲猛將次將俾閱者不敢輕用卽用亦必  
斟酌分量庶知利害

人生一小天地病之輕者如日月之食不轉瞬自必  
回和斷不可輕易服藥恐益乎此則損乎彼也嗟  
閱歷旣久悉知其故寧受衆怨不輕徇情此事如  
老將臨陣大賈航海愈歷鍊而愈知畏耳  
是書淺近說法別無精意不過願人人稍知醫理不  
爲庸醫所誤以延壽命且剗僻間不及延醫者亦

可對症自醫取其便耳至醫家讀書少而閱歷淺者得此亦有頭緒稍知把握便可活人

醫家首在立品古人云行欲方而智欲圓心欲小而膽欲大人之性命在我掌握中專心揣求尙虞有失此事豈同兒戲乎若一涉利心則貧富岐視同道相攻偽藥欺售置人命於腦後矣試仰觀蒼蒼者何物耶而爲病家者亦宜以上賓禮貌相待須思此人爲我父母妻子救命而來並非剃頭剔脚者可在我招之來麾之去也

是編總挈之處用口分晰病由用△證明病狀用、

切要處用○

是編大半採仲景東垣景岳鍾齡諸家之說亦述而  
不作之意

凡古人立方寓有精意然斷不可呆用余嘗見淺醫  
未經閱歷遇暑倦輒用清暑益氣湯而不知黃耆  
之悶遇熱喘輒用生脈散而不知五味子之斂率  
至暑熱伏留纏綿牀褥而斃甚可哀也他如六味  
地黃湯及麻黃湯桂枝湯等必須斟酌萬穩而進  
或用次將之品代之否則一誤之下不可挽回歸  
咎古人古人豈任受哉

筆花醫鏡

浙江歸安江涌駁筆花著

男 彤勳校字

目錄

卷之一

● 診脈歌

望聞問切論

內傷外感雜治說

虛勞論治

心部

望舌色

表裏虛實寒熱辨

傷寒證治

疫痢瘧腫論治

肝部



脾部

腎部

卷二

胃部

膽部

小腸部

心包絡部

女科証治

肺部

膀胱部

大腸部

三焦部

兒科証治



南京中醫藥大學圖書館藏

筆花醫鏡卷之一

浙江歸安江涌曠筆花耕

男 形動稜字

診脈歌

病人雙腕仰高骨定為關

依掌後之高寸脈量虎口

尺脈準臂彎

開前距虎口一寸故曰寸

開後距臂彎一寸故曰尺

左關膽與肝左尺司何職

膀胱腎係焉右寸胸中肺

胃脾屬右關要知大腸腎右尺自昭然

口鼻一呼吸脈來四五跳此是無病者平和氣血調

三至為遲侯六至作數教遲則寒之象數則熱之標

一二寒愈盛七八熱更饒。

輕舉得皮面表邪脈故浮。若是病在裏重取須沉求。  
洪長微實健細弱識虛柔水濕并痰飲滑利又弦道。  
緊促氣內亂伏瀇氣凝留妊娠中止代失血中空芤。  
代脈中止祇此尙易見其他渺以幽。

### 望舌色

舌者心之竅凡病俱現於舌能辨其色症自顯然舌  
尖主心舌中主脾胃舌邊主肝膽舌根主腎假如津  
液如常口不燥渴雖或發熱尙屬表症若舌苔粗白  
漸厚而膩是寒邪入胃挾濁飲而欲化火也此時已

不辨滋味矣宜用半夏藿香道厚膩而轉黃色邪已  
化火也用半夏黃芩若熱甚失治則變黑胃火甚也  
用石膏半夏或黑而燥裂則去半夏而純用石膏知  
母麥冬花粉之屬以潤之至厚苔漸退而舌底紅色  
者火灼水虧也用生地沙參麥冬石斛以養之此表  
邪之傳裏者也其有脾胃虛寒者則舌白無苔而潤  
甚者連唇口面色俱痿白此或泄瀉或受濕脾無火  
力速宜黨參焦朮木香茯苓炙草乾薑大棗以振之  
虛甚欲脫者加附子肉桂若脾熱者舌中苔黃而薄  
宜黃芩心熱者舌尖必赤甚者起芒刺宜黃連麥冬